

19 MAY 1997

MALAYSIA METERAI PERJANJIAN PERUMAHAN BERBILION DOLAR AUSTRALIA

MELBOURNE, 19 Mei (Bernama) -- Malaysia dan Australia telah menandatangani perjanjian usaha sama pembangunan perumahan bernilai berbilion dolar Australia (AUD), demikian dilaporkan oleh harian "Australian" hari ini.

Persatuan Industri Perumahan Australia (HIA) dan Persatuan Pemaju Perumahan Malaysia (HDA) menandatangani perjanjian itu pada persidangan perumahan kebangsaan Australia di Gold Coast pada Sabtu lepas.

Menurut laporan itu, perjanjian tersebut dijangka disahkan oleh Perdana Menteri Datuk Seri Dr Mahathir Mohamad dan Perdana Menteri Australia John Howard di Kuala Lumpur pada Mei tahun depan.

HIA dan HDA juga akan secara bersama menjadi tuan rumah persidangan pembangunan perumahan Asean di Kuala Lumpur pada 22 Mei, 1998.

Naib presiden Persatuan Perancangan dan Perumahan Asean Malaysia, Lawrence Chan, berkata usaha sama itu akan menjadi pelancar untuk pelaburan yang serupa dalam industri perumahan di China dan India serta di Asia Tenggara. -- BERNAMA

NDC SIA